

آبونه شرايطى

داخلى ، خارجى هرير ايجون
سنه لىكى (۲۵۰) ، آلتى آيلقى
(۱۳۰) غروشدر .

[نسخه سى ۵ غروش ،
سنه لىكى ۵۲ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلى پشيدندر

مسلكه موافق آثار مع الممنونيه
قبول اولنور . درج ايندله ين
يازيلر اعاده اولونماز .

الذمير

دينى ، فلسفى ، علمى ، ادبى هفته لىق مجموعه اسلاميه در

والله يهدى من يشاء الى صراط مستقيم

باش محرر
محمد كا كىف

صاحب و مدير مسئول
اشرف اديب

آبونه اهد كم سبيل الرشاد

عدد : ۳۸۰

۲۳ صفر ۱۳۳۷

پنجشنبه

۲۸ تشرين ثانى ۱۳۳۴

جلد ۱۵

اخطارات

آدرس تبديلنده آبريجه باش
غروش كوندر ملليدر .

مكوبلرك امضالرى واضح
واوقوناقلى اولسى و آبونه صره
نومر و بى محتوى بولمى لازمدر .

ممالك اجنبيه ايجون آبونه
اولانلرينك آدرس لر ينك فرالمره
جهده يازلمى رجا اولنور .

پاره كوندر لىكى زمان نه يه دائره
اولديغينك واضحاً بيلد يرلمى رجا
اولنور .

ایضاً او قدر در اول حکایت
باقیسی دروغی نہایت

احمد نعیم

ہامش — احمد امین بک ایک نئی مقالہ سنک ہامشندہ دیورکہ:
« تارٹر مژدن بعضری مطبہ مزہ مراجعت ایدہ رک دولت ایلہ دینک
تفریق اوزرینہ خلافت مسئلہ سنک موضوع بحث اولاسی لازم کلوب کلیہ چکنی
صوردیلر . بزم فکر مزجہ بومسئلہ نک موضوع بحث اولماسنہ هیچ برسب
یوقدر . عثمانی دولتک حکمدارنی و عالم اسلامک خلیفہ لکی بربرندن تمامیلہ
آری ایکی صفتدرکہ ذات حضرت پادشاہیدہ بک کوزل اجتماع ایدہ بیایر .
تفریق وقوع بولدیانی تقدیردہ مشیخت و وقاف نظارتی مستقل برعیت دینیہ
حالی آلیر و طوغرودن طوغرودہ مقام خلافتہ استناد ایدر . و بوکا قابل
عثمانی دولتی دہ بوتون وطنداشیر ایچون مساوی برماہیتی حائز برعیت قانونیہ
شکائہ کیر . »

صاحب مقالہ نک یوقاریدہ بحث ایتدیکنز خطاسی ایشتہ بورادہدہ
ظاہر اولور . او ، صفت خلافتی پاپاق کی برصفت روطنیہ ظن
ایدیور . خلافت احکام شرعیہ بی اجراءہ نیابت معناسنہدر . امیرہ
سلطان دیکنز ، پادشاہ دیکنز ، خلیفہ دیکنز ، ہر نہ دیرسہ کنزدیکنز
صفتی دیکشمنز . اونک وظیفہ سی سائر افراد مسلمینک وظیفہ سی
کی دینیدر . آرادہ کی فرق قوت حکومت ایلہ انفاذ احکام واقامہ
حدود شرعیہدر . اوروپا دوشونوشی ایلہ اونده آری آری ایکی
صفت توہم ایدوب آنک گاہ احکام شرعیہ بی ، گاہ شرعہ مغایر احکامی انفاذہ
مأمور بر شخصیت متناقضہ اولماسنی بز حوصلہ مزہ صیغدیرامایز .
وطنداشلرہ کلنجہ اونلر ایکی دورلودر . ایچمزده یاشامق ایستہ
ینلرینک — طبقی بزم کی — تشنہ اولدقلری شی عدالتدر . حقلرینی
ویریکز ، ظلم ایتیکز ، دین و آیینلرینہ قاریشاییکز . بزم بک کوزل
ایصینیرلر . افتراق سوداسنہ اولانلری ایسہ هیچ بر صورتلہ نمون
ایتمک امکان یوقدر اعتقادندیم . ا . ن .

دین ایلہ دولتک تفریقی

کچاردہ فلسطیندہ کی یہودی حکومتی ایلہ مسلمانلرک اتحادی
حقندہ غریب نشریاندہ بولنان وقت غزنیہ سی باش محرری احمد امین
بک بو ہفتہ دہ « دین ایلہ دولتک تفریقی » مسئلہ سی اورتہ یہ آندی .
بونک اوزرینہ یکی انتشارہ باشلایان اسلام غزنیہ سی غایت کوزل بر جواب
ویردی . مسلمانلرک فاضل بر دین اولدیغی خلاصہ ایضاح ایتدی .
بوندن باشقہ فاضل محترم احمد نعیم بک اقدی دہ بو موضوعہ
دائرہ ہم بر مقالہ یازہرق مسئلہ بی ایچہ تنویر بو یوردیلر . بومناسبتلہ
« آئی ، غزنیہ سی دہ خلافت اسلامیہ حقندہ شایان اهمیت بر مقالہ
نشر ایتدی . مسلمانلر ایچون فوق العادہ حائز اهمیت اولان بو
مسئلہ حقندہ سبیل الرشاد وقتیلہ خلی نشریاندہ بولنش ، اوزون
اوزادی یہ ایضاحات اعطا ایتشدی . اسلامیہ عدم تتبع نتیجہ سی
اولہرق اورتہ یہ چیقاریلان بو مسئلہ حقندہ امید ایدر زک احمد امین

بک تعدیل و تصحیح افکار ایدرلر . اهمیت عظیمہ سنہ مبنی
بو خصوصہ کی نشریاتی خلاصہ اولسون نقل و قید ایتہی الزم
عد ایدیورز .

وقت غزنیہ سنک فکری

« کدی گندیزی بولہ (عصری) بر دولت شکلہ قویق ایچون اساسی
بعض اجراءت و حاضر لقلر پایق لازمدر . بولردن برنجیسی و اللہ مہمی
دولتزدن تشوقراسی ماہیتی تمامیلہ رفع ایتکدر . بز ذاتاً توحید قضا اساسی
قبول ایتک صوریلہ بو بولہ صوک درجہ مہم بر آدم آندق . روسیہ نک
اضہ جلالندن صوکرا دنیا یوزندہ برتک مدتی مملکت قانامشدرکہ دین ایلہ
حکومتی توحید ایتسون و مؤسسات دینیہ بی تمامیلہ مستقل بر موقع ویرمش
اولاسین . بز بونی طبیی کورمکہ آیدشدق . بونک عکسنی دماغلرمن قولای
هضم ایدہ من . حال بوک دینی تشکیلک حائز استقلال اولماسی دینز نقطہ
نظرندن هیچ بر فائدہ تأمین ایتدکن باشقہ مملکتدہ مؤسسات و افکار دینیہ نک
قوتنی محافظہ ایدہ مہسنہ اک بویک سیدر ... »

اسلام غزنیہ سنک ہرالی

« بومسئلہ دہ بزمہ بر قاتولیک ویا اورتودوقس حکومت وحقی
بروتستان حکومت آراسنہ هیچ بر مشابہت یوقدر .
غیر مسلم دولتلدہ ، وبالقرض فرانسہ دہ حکومتلہ کلیسا نک
آریلماسی بوسبوتون باشقہ بر ماہیت عرض ایدر .
چونکہ: اولاً بزده کلیسا یوقدر . ثانیاً کلیسا اولمانچہ رو حانیلک دہ
یوقدر . ثالثاً بزده دین یالکرا و عظ و نصیحتدن عبارت اولمایوب
عبادتندن زیادہ و دہا اول حقوق عبادی ، و او حقوقک دہ شخصی
واجتماعی کافہ احکامی ہر زمان و ہر دورہ موافق اساسلرہ تفکر
وادارہ ایتدکن صوکرا ساحہ حکم و حکمتی ، ادارہ بی ، سیاسی ،
قوانین مشروطیتی دہ احاطہ ایدر . حکومتک شکلندن بدأ ایلہ مساوات
حقوق ، اجتماعات ، سیاسیات ایچون مخصوص دستورلری واردر . بودین
ہر کسکدر و هیچ کیمسہ نک دکدر . اسلامیت ، عقیدہ اعتباریلہ
بر مسلمانک دینی ایسہ عدالت و سیاست اعتباریلہ بوتون انسانلر کدر .
دستورلر نہا حر بلر ، صلحہر ، اجتماعی مسئلہلر ، اخلاقیات ،
منفعت عامہ ، موازنہ ملیت اساسلری ہپ دوشونولمشدر . خلیفہ دن ،
پادشاہدن بدأ ایلہ اک اوافق بر فرد خلقہ وارنجیہ قدر حر و مستقل
احکام وضع ایتشددر . کندیسی اساساً مستقلدر . اونده حکومتہ
تابعیت محدودذانی یوقدر . بالعکس کندیسی احکام علمیہ اوزرینہ
قورولمشدر . تفوق و امتیاز ، تحکم و اصالت هیچ ظانیماز . اونک
حکومت اوزرینہ تأثیری ، دوغرو و ایجاب حال وزمانہ موافق
بر مادہ یہ ، برایشہ علی الاطلاق مدافعہ شکلندہ دکل ، بالعکس ناظم
و محافظ حزیت و عدالت اولق صورتیلہدر .

بو آکلاندیغمنز تشکیلات موجنجہ حقوق و سیاست دستورلری
خارجندہ دینک برشی امر ایتسی احتمالہ دکل ، بویلہ بر شیشہ بالعکس
سکوت ایتہمکہ مأمور اولماسی اساسی نظر دقتہ آیرسہق کوروروزکہ
بزم دینزک حکومتلہ مزوجیتی ایلہ دین مسیحک حکومت اوزرینہ
بر تأثیری آراسنہ هیچ بر مناسبت و مشابہت یوقدر .

اسلامیت ، دور جهالت و تعصبك علوم و فنون ايله زوالندن سوکرا مدنيتك اداره و سياسته حاکم اوله بيلمک سويه سندن پک چوق اوزاق اولان انجیلک بوسبوتون ضدی اولارق ناظم و مرشد اولق خار سه ساله کدر .

قاتولیک بر حکومت ، جمهوریتی قرالیت ، یا خود بونلرک ایکنجیسی برنجیسه قلب ایتک کبی کلیسا تشکیلاتنه ، بر عبادت و دعا محلی اولان معبد دروننه خصوصی مکتبلر ، میسیونر لیکر ، ملی و سیاسی فکر جریانلری ، استفاده مالمیه متقابل سیاست مروجلکی و یا بانکیه لک ادخال ایتش اولان مؤسسائی کیندی ایشنه اجرای تأثیردن منع ایتسه باشقه ؛ برده بونلرک هیچ بری بولونماقدن ماعدا بالعکس مساوات حقوق ، تأمین عدالت ، ایقاپ سیاست ، ارائه طریق حکمته مأمور و هیچ بر امتیازی اولمایه رق خلیفه یه ، پادشاه بیله عدل و یا ظلم نقطه سندن حاکم اولان دین اسلام ، ینه باشقادر . همده پک باشقادر . بناه علیه بوایکی تشکیلات بیننده ذره قدر مشابته یوقدر . حکومتز دینه ، و اونک تقین ایتدیکی اجتماعیات و حقوق قانونلرینه خالصانه رعایت ایتدیکی و ادنی بعضاً ظاهراً طونارکن اکثریا باطناً بیراقدینی ایچون اداره و سیاستنده موفق اولامادی .

حال بویله اولونجه و دین اسلامک اک علوی واک اتمهائی بر « ده موقراسی » بی کوزمزه ، دماغمزه صوقان « کلکم راع و کلکم مسئول عن رعیته » اخطار جایلندن سوکرا « ته موقراسی » وجودینی ادعا ايله موجود اولمایان بر شیئی قالدیر مق حسی نه قدر غیر طیبی و یا کلشدر .

بزده ؛ ادراکده ، حسیاتده ، عقل سلیمده هپسی ... هپسی جدی و دقیق بر مسلمان ، همده علماً متمدن بر مسلمان سیاستی ايله الله ایدیله بیلیر . ذاتاً بودن « معامله دینی » ، « ناصح اولوق دینی » و « راسخین ، دینی در . »

خلافت اسلامیة

آتی غزته سندن :

« شرق و اسلام عالی بذاته ده موقرا ندر و اوندن باشقه بر سلطه طانیماز . اوروپانک حالا واره مدینی اس مساواته بز اون اوچ عصر اول کلشدر . ایکی ذهنیت باشقه باشقه در . بناه علیه اوروپاده [رومانو] ، [هابسورخ] [هوهنجولرن] کبی اعصار دیده ، لکن ده موقراسی به مانع و اونکله مبارز سلطنت خاندانلرینک انقراض و اندراسی ده موقراتیق بر مؤسسه اولان خلافتک استعلاسی موجب اولور .

بر آر آفرانغه به یاقین ، لکن حقیقت تاریخیه و روحیات شرقیه ايله الفتی اولمایان کیسه لر وبالخاصه بو وطن ايله مناسبتری مذهب بوقلمونلرینه اولان نسبتلرندن فضله بولونمایان بر طاقلری ، بلکه ، بو جلوه تاریخی آکلمازلر . فقط ، امین اوله لم که قوافل ملائکه آره سنده یالکیز برابلیس رجم چیقایلیر ؛ فضله سی چیقماز . اونک کبی اوچیسوز میلیونلق جمهور مسلمینک صلابته خلل کلز .

هیچ بر دولت ماصره خلافتنه سنک انداز اوله ماز ، چونکه خلافت

دولت لیک فوقنده در . خلافتنه تعرض ایتک ، اونق تقویه دن باشقه بر نتیجه یه پیوسته اولماز . اکر ، فرض مستبعد اوله رق بر دوات مادیه خلافتی بیقمق ایسترسه ، قلمبرده ؛ سبیه ده ، فطرنده ، حقیقتده مرکوز اولان بوشجره ، بوانوب کسب قوت ایدن بر نهال کبی ، یکی بر قوت ايله فیسقه بره جق ، و کندی وجودینه هائل اولان موجودیتلری بیقه جقدر .

خلافت اسلامیة ، اوچیسوز میلیون فردک بر ده موقراسینک ، بر جمهورک ، ده موقراسیندن باشقه بر سلطه طانیمایان بر قسم بشریتک مثل و مشخص موجودیتی ، ترجمان آملی ، محصله تاریخیه سیدر . جمهور مسلمین ، آفریقا ده موقراسیندن ، آتقی ۱۷۸۹ ده وجودینی آکلایان فرانسه جمهوریتندن ، حالا سفین شک ایچنده بولنان انکلیز ده موقراسیندن اسکیدر ، بناه علیه قابلیت حیاتیسی فضله در .

..... سیوری عقلا واز ؛ بو عصر ده موقراسی ايله خلافت ناصیل قابل تألیف اولور ؛ خلافت ده موقراسینک تأیید و تأکید دیگدر . ذنیده اک متعنی ، اک اسکی ده موقراسی جمهور مسلمیندر . بز بو موضعه عقائد اعتباریله دکل ، بر کیت سیاسی و اجتماعی اولوق اوزره اسلامیتدن بحث ایدیورز . اسلام بر ده موقراسیدر . ده موقراسینک ضد کاملی اولان اوروپا آریستوقراسینک هیچ بر ذره سی موجود میدر که بو ، اسلامجه مظهر مساعه اولسون ؛ حریت ، اخوت ، مساوات ، (فران ماصونری) دن اول اسلامیته تقریرینه مظهر اولشدی .

دها اوست طرفنه کیده لم : بو کون (قاپیتالیزم) علیینه بر قیام عمومی و کونی وارددر . مراهجه ، فائض ، قاپیتالیست بر عالمک تکاملنه بادی اولش ؛ فی الحقیقه ترقیاتی ده انتاج ایتش ایتسه ده ، بوسلطة اغنیا ، میلیونلره انسانک فقری ، بو فقرده عظیم بر مساواتلرانی ، بو حال ایسه طبقات اجتماعیه مخالفتی ، محاربه عمومی ؛ سوسیالیزمی ، بالشیویزمی ایجاب و انتاج ایتدیر معدر . بو اعتبار ايله اقتصادیات اسلامیة ايله سوسیالیزم آره سنده بو یوک بر قرابت مشاهددر . دون طولاش ینه عالم (حرمت ربوا) یه کلپور . ترقی ، تکامل ، تفیض هر وقت ایلریده دکلدیر . اکر اوله اولسه یدی اک صوک زمانلرنده محاربه عمومی کبی بر بادره و لهره ، نوع بشری دوجار ألم و ماتم ایتزدی

بکا اوله کلپورکه اسلامیت سیاسی و اجتماعی بو امتحاندن دها قوتلی چیقه جقدر . اسلامیت غیر فوضوی ، لکن ایلری بر مسلك اجتماعیدر . هله اهل اسلام ، مقام خلافتنه تعرض ایدلدیکنی کورونج اوکا اولان سر بوطیتی بر قات دها آرتیره جقدر .

خلافت بر سلطنت مادیه یه استناد ایتدیکجه مستقل اوله ماز . تابعیت و یا هیاة اجنبیه ده بر خلافت ، خلافت دکلدیر . بناه علیه آل عثماندن اولمایان بر خلیفه نک خلافتی غیر وارددر . چونکه او خلیفه بر بنده اجانبدر . خلافتک وجودی ، سلطنت هنیایه نک بقا و دوامی ، شوکت و مکنتی مستلزمدر .

دور سابقده حاصل اولان تشقت اسلامی ، انشالله ، حکمدار نواقبالمزلک ذاتلریله ، وجودلریله ازاله ایدیله جک و جامعه اسلامیة اسکیندن دها فضله بر قوت بوله جقدر .

استطرا د آشوراسنی ده ذکر ایدلم که خلافت اسلامیته نک مظهر تکاملات اوله سی تبعه اسلامیة یه مالک اولان بوتون دولت لیک لهنه بر حرکتدر . بویله بر خلافت ، بین الدول بر عنصر موازنه و صلاح اولور . هر دولته خوش کچنمک شعاری و مقتضای عدالتی بولونان بر خلافت بر خیلی منازعاته مانع اوله بیلیر . جلال نوری

بیوک بریتانیا و مقدرات اسلام

بوعنوان ايله « آتی » غزته سی مهم بر مقاله نشر ایتشدر . خالص بر مسلمان فکر یله یازیلش بومقاله نک بعض فقره لرینی نقل ایدیورز : امیرال سور (آرتور غالتورب) ک محروسه قسطنطنیه یه ورودیه